

## Kikkuuvugut?

PI/SPS Kalaallit Nunaanni kisiartaalluni perorsaaneermut ilinniarfiuvoq.

Isumaginninnermik ingerlataqarfiup iluani pikkorissutsimik qaffassaaqataasunik ilinniakkanik pikkorissarnernillu neqerooruteqarpugut. Ilanngullugu apeqqutigineqartillugu pikkorissaanernik naleqqussarlugit aqqissuussanik neqerooruteqartarpugut. Pikkorissaasarnerit neqerooruterpassuagut nittartakkatsinni takukkit.

Takorluugarput:

- Inuiaqatigiinni perorsaaneq pillugu ilisimasaqassutsip pingaaruteqassusia isiginiarparput, tamanna innuttaasut tamarmik ineriartornerannut ingerlalluarnernannullu tunngavissisussaammat.
- Tunngaviumik isuma aallaavigalugu sulivugut, tassalu perorsaaneermik sulinermi "inuk tamarmiusoq" aamma inuit ataasiakkaat inunnik allanik susassareqateqarnerat isiginiarneqassasut.
- Ilinniarfiorusuppugut akuerisaasoq orniginartorlu, piginnaaneqarfittut qitiusoq, ilisimasaqassutsikkut qajannaatsumik tunngavilik aamma isumaginninnerup perorsaaneerullu iluanni ilinniartitaanernik siuariartornermik qulakkeerinnittoq.

## Attavigitigut

Oqarasuaat: +299 38 35 50

Mail: kursus@pi.sps.gl

Nittartagaq: pi.sps.gl/kurstyper/



**PI/SPS Perorsaaneermik Ilinniarfik**

Marralinnguit 40  
3952 Ilulissat  
Kalaallit Nunaat

## PKU pikkorissarneq

Ilinniagaqanngitsunut piginnaasanik ineriartortitsineq

## *Meeqqat ineriartornermi killiffii aamma meeqqat isiginniffiat 0-6-inik ukiullit*



**PERORSAANERMIK ILINNIARFIK**  
SPS - SOCIALPÆDAGOGISK SEMINARIUM - <http://pi.sps.gl/>

# Ilisarititsineq

Pikkorissaanermi matumani ulluunerani paaqqinnittarfinni perorsaaneermik suliaqartut meeqqat 0-init 6-inut ukiullit tarnikkut kiisalu aalariaatsitigut ineriartornerminni killiffii pillugit ilisimasanik tunniussisoqassaaq. Kiisalu perorsaaneermi suliaqartut ulluinnarni ulluunerani paaqqinnittarfinni meeqqat isiginniffiat aallaavigalugu qanoq sulisinnaanerit pillugu kiisalu perorsaaneermi suleriutsit periutsillu pillugit ilisimasanik tunniussissalluni.

- Meeqqap tarnikkut aalariaatsikkullu ineriartornera
- Atassuteqaqatigisat
- Meeqqat isiginnittaasaat
- Periutsit aamma suleriutsit

Pikkorissarnermi saqqummiisarneq, eqimattakkaarnerit aamma sungiusarnerit paarlagaarlugit ingerlanneqassapput. Atuartitsinermit peqataasut namminneq misilittagaat kiisalu teoriit aamma sulinermit sungiusarnerit aallaavigineqassapput, taakku peqataasut ataasiakkaat perorsaaneermi qitiusumik suliassamik kivitseqataanissamut piginnaasaanik ineriartortitsissallutik. Moduli siulliup kingorna sulinermit sungiusarnermik peqataasut namminneq suliffimminni misilitassaminnik suliaqassapput.

## Sullinniakkat

Pikkorissarneq una ulluunerani paaqqinnittarfinni sulisunut ilinniagaqarsimanngitsunut imaluunniit suliffissarsiortunut, suliassaqarfimmi matumani sulilernissamut ilinnialernissamulluunniit kissaateqartunut saaffiginnippoq. Ilinniagaqarsimasut peqataasinnaapput pikkorissartitsinermit inissaqassappat.

**PIFFISSAQ:** Pikkorissarneq **ulluni pingasuni** ingerlanneqartassaaq nal. 09:00–16:00.

Pikkorissaaneq ingerlanneqassaaq sap. Ak 21, 19. – 21. maj 2026.

**AKIA:** Ilinniarsimanngitsunut suliffissarsiortunullu akeqanngilaq.

**QINNUTEQARFISSAQ KINGULLEQ:** 17. april 2026 nal.12:00

**SUMIIFFIK:** Online-kkut

**OQAATSIT:** Kalaallisut

**PIKKORISSAASOQ:** Kristine Nielsen

## Peqataanissamut nalunaarneq aamma taamaatitsineq

Peqataanissamut nalunaarsinnaavutit nittartakkami [www.pi.sps.gl/kursusafdeling](http://www.pi.sps.gl/kursusafdeling) immersugassap immersorneratigut. Immersugassaq digitalimik imaluunniit anillatsillugu immersorneqarsinnaavoq uungalugu nassiullugu kursus@pi.sps.gl.

Pikkorissarnissamut akuerisaanerit pikkorissarnerup aallartinnissaa qaammammik ataatsimik sioqqullugu ilisimatitsissutigineqassaaq.

Peqataasinnaajunnaaruit, tamanna piorsaavimmut nalunaarutigissavat mailikkut kursus@pi.sps.gl imaluunniit sianerlutit +299 38 35 50.

## Peqataanermut akiliut

Ilinniagaqarsimanngitsut aamma suliffissarsiortut angalanerat, unnuinerat nerisaqarnerallu PKU-mit aningaasaliissutinit Perorsaaneermik Ilinniarfiup akilissavai. Pikkorissartunut sulisunut atuuppoq, pikkorissarnermit sulisitsisoq nalinginnaasumik akissarsiaqartitsissaaq, pikkorissarnermilli taarsiivigineqarluni utertitsivigineqassalluni akit atuuttut naapertorlugit. Sulisorisamut ilinniarsimanngitsumut taarsiivigininneq ullormut 718 kr. kiisalu sap. Akunneranut 3.590 kr. Ilinniarsimasut peqataanermi aningaasarsiaqartitsinermit taarsiivigineqassanngillat/ pikkorissarnermit ajunngitsorsiasaqaartinneqassanngillat.

## Pikkorissarsimanermut uppersaataat

Pikkorissarsimanermut uppersaammik tunineqassaatit, pikkorissarnermit peqataanerit minnerpaamik 85%-iuppat.